

sed tantum in intellectu divino. Unde intellectus divinus est fons omnis possibilitatis, ita ut si nullus esset Deus, nec quidquam aliud ne intrinsece quidem possibile foret. Etenim res ideo possibles sunt, quod impossibile sit, ut intellectus divinus contradictoria sibi representet; ac proinde aliquid est possibile, quia ejus idea in intellectu divino datur, & sic pendet possibilitas rerum ab intellectu divino, non vero ab ipsius voluntate. Quamvis ergo possibilitas rerum sit immutabilis, & æterna, attamen nihil Deo coæternum, & præter eum immutabile admittitur: etenim, quæ in intellectu Dei sunt, & ad intellectum ejus pertinent, non sunt aliquid quidpiam præter Deum, sicut ex eo quod ideæ rerum sunt immutabiles, non tamen inde sequitur res ipsas esse immutabiles, cum in ideis immutabilibus res ipsa tanquam mutabiles represententur.

Inst. 2. Vel possibilitas absoluta rerum pendet a voluntate divina, vel voluntas divina pendet ab illa possibiliitate: falsum posterius, ergo verum prius Resp. possibilitas absoluta rerum non pendet a voluntate divina, sed tantum ab intellectu divino; quia res ideo sunt possibles, quod rerum ideæ in intellectu divino existant; Deus autem quidpiam velle nequit, nisi prius illius ideam in mente conceperit, & sic voluntas Dei pendet quodammodo ab ipsius intellectu, secundum nostrum concipiendi modum.

Inst. 3. Quod res sit possibilis id habet a voluntate Dei, ergo possibilitas rerum pen-